

Protokol
sa sastanka Mješovite komisije za drumski prevoz između Bosne i Hercegovine i Kraljevine
Norveške

Mjesto i vrijeme održavanja:

Sastanak Mješovite komisije između delegacija Bosne i Hercegovine i Kraljevine Norveške održan je 28. i 29. novembra u Sarajevu (Bosna i Hercegovina).

Dnevni red:

Tačka 1. Otvaranje sastanka i usvajanje dnevnog reda.

Tačka 2. Razmjena informacija o prevozu tereta.

Tačka 3. Usaglašavanje teksta Nacrta Sporazuma između Savjeta ministara Bosne i Hercegovine i Kraljevine Norveške o međunarodnom drumskom prevozu putnika i tereta.

Tačka 4. Prevoz putnika.

Tačka 5. Prevoz tereta.

Ad.1.

U uvodnom dijelu sastanka prisutne je u ime domaćina sastanka pozdravio šef BiH delegacije te naglasio da je na inicijativu prevoznika iz Bosne i Hercegovine Ministarstvo komunikacija i transporta Bosne i Hercegovine predložilo nadležnom organu Kraljevine Norveške, putem diplomatskih kanala, zaključivanje bilateralnog sporazuma kojim će se urediti oblast međunarodnog prevoza putnika i tereta.

Takođe je izražena zahvalnost nadležnom organu Kraljevine Norveške na prihvatanju inicijative za zaključivanje sporazuma, kao i na prijedlogu datuma za organizaciju ovog sastanka.

Zajednički je dogovoreno da je sastanak prilika da se razgovara o svim pitanjima iz oblasti prevoza putnika i tereta, a sve u cilju postizanja najboljih rješenja u interesu svih uključenih subjekata (putnika, prevoznika, institucija i dr.), kako u Bosni i Hercegovini tako i u Kraljevini Norveškoj.

Nakon pozdravnog govora i međusobnog predstavljanja učesnika sastanka Mješovite komisije usvojen je predloženi dnevni red.

Sastav delegacija Bosne i Hercegovine i Kraljevine Norveške nalazi se u Prilogu br.1 ovog Protokola.

Ad.2.

Vezano za razmjenu informacija o prevozu putnika i tereta, delegacije Bosne i Hercegovine i Kraljevine Norveške su potvrdile podatke o robnoj razmjeni između ove dvije države, koje je pripremila i prezentovala Spoljnotrgovinska komora BiH.

Predstavnik Spoljnotrgovinske komore Bosne i Hercegovine iznio je statističke informacije o obimu robne razmjene između BiH i Kraljevine Norveške.

Predstavnik Kraljevine Norveške iznio je podatke o robnoj razmjeni između Kraljevine Norveške i Bosne i Hercegovine. Dvije delegacije su saglasne da je u periodu od 2014. godine prisutan rast obima robne razmjene između ove dvije države.

Ad.3.

Nakon razmatranja teksta Nacrta Sporazuma između Savjeta ministara Bosne i Hercegovine i Kraljevine Norveške o međunarodnom drumskom prevozu putnika i tereta, delegacije su usaglasile predloženi tekst ovog Sporazuma uz izuzimanje člana 12.

S tim u vezi, BiH strana će dostaviti norveškoj strani informacije o propisima kojima se uređuju oblast obuke kandidata za vozača i polaganja vozačkog ispita, a posebno u pogledu vožnje u zimskim uslovima. Nakon analize dostavljene dokumentacije, norveška strana će obavijestiti BiH stranu o svom stavu u tom smislu.

Ad.4.

Bosna i Hercegovina i Kraljevina Norveška nemaju uspostavljen linijski autobuski prevoz putnika.

Delegacije su se dogovorile se da pri obavljanju vanlinijskog (naizmjenični i povremeni) prevoza putnika koji ne podliježe sistemu dozvola, kontrolnim dokumentom smatra putni list sa spiskom putnika.

Ad.5.

Delegacija Bosne i Hercegovine je predložila liberalizaciju bilateralnog prevoza i prevoza u/iz trećih zemalja u 2018. godini.

Delegacija Kraljevine Norveške je obavijestila delegaciju Bosne i Hercegovine da sistem dozvola treba primjenjivati. Mješovita komisija može revidirati ovo pitanje u nekoj kasnijoj fazi.

U pogledu navedenog, delegacije su dogovorile kvotu dozvola za prevoz za 2018. godinu, kako slijedi:

- 100 dozvola za bilateralni i tranzitni prevoz + dodatnih 200 dozvola za vozila koja ispunjavaju minimum EURO 5 standard
- 40 dozvola za prevoz u/iz trećih zemalja za vozila koja ispunjavaju minimum EURO 5 standard.

Izdate dozvole važe do 31. januara naredne godine.

Dogovorena kvota dozvola se razmjenjuje nakog postizanja dogovora u pogledu člana 13. Nacrta Sporazuma.

U cilju olakšavanja protoka informacija, strane će komunicirati putem sljedećih nadležnih organa:

Za Bosnu i Hercegovinu:

Ministarstvo komunikacija i transporta Bosne i Hercegovine
Sektor transporta, Trg BiH 1, 71000 Sarajevo
e-mail: transport@mkt.gov.ba

Za Kraljevinu Norvešku:

Ministarstvo transporta i komunikacija,
P.O. Box 8010 Dep, 0030 Oslo
e-mail : postmottak@sd.dep.no

Pregovori su održani u prijatnoj atmosferi. Obje delegacije su izrazile zadovoljstvo postignutim rezultatima tokom pregovora.

Naredni sastanak Mješovite komisije će se održati u Norveškoj.

Za delegaciju
Bosne i Hercegovine

Za delegaciju
Kraljevine Norveške

Prilog ovog Protokola:

1. Lista prisutnih
2. Tekst Nacrta Sporazuma na engleskom jeziku.

Delegacija Bosne i Hercegovine

1. g. Adis Šehić, glavni inspektor, Inspektorat, Ministarstvo komunikacija i transporta, šef delegacije,
2. g. Samir Planinčić, vršilac dužnosti šefa odsjeka za drumski i željeznički prevoz, Ministarstvo komunikacija i transporta,
3. g. Miroslav Đerić, srtučni savjetnik za međunarodnu saradnju, Ministarstvo komunikacija i transporta,
4. g. Slobodan Popović, stručni saradnik-prevodilac za engleski jezik, Ministarstvo komunikacija i transporta,
5. g. Saša Grujić, viši stručni saradnik za poslove logistike i špedicije, Ministarstvo saobraćaja i veza Republike Srpske,
6. g. Zijad Sinanović, sekretar udruženja međunarodnih drumskih prevoznika tereta, Spoljnotrgovinska komora Bosne i Hercegovine,
7. g. Irnis Delija, sekretar udruženja prevoznika u međunarodnom i međuentitetskom drumskom prevozu putnika, Spoljnotrgovinska komora Bosne i Hercegovine,
8. g. Milan Ivanković, član Udruženja međunarodnih drumskih prevoznika tereta Spoljnotrgovinska komora Bosne i Hercegovine, i
9. g. Ibrahim Kerla, član udruženja prevoznika u međunarodnom i međuentitetskom drumskom prevozu putnika, Spoljnotrgovinska komore Bosne i Hercegovine

Delegacija Kraljevine Norveške

1. gđa Anne-Lise Junge Jensen, zamjenik generalnog direktora, Ministarstvo transporta,
2. gđa. Lone Bruvold Hansen, viši savjetnik, Ministarstvo transporta,
3. gđa. Anne-Lise Lehne, viši savjetnik, Uprava za javne puteve Norveške i
4. g. Jan-Terje Mentzoni, zamjenik generalnog sekretara, Udruženje za drumski prevoz Norveške.